

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 68 (2006-2007)

Heft: 9: Mit Kopf, Herz und Hand

Rubrik: Pagina Rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.08.2025

ETH-Bibliothek Zürich, E-Periodica, <https://www.e-periodica.ch>

● Ils pioniers 2007/2008 dal rumantsch grischun en scola èn preparads

Ivo Berther

Ils 11 da matg 2007 han 54 persunas d'instrucziun ord las 23 vischnancas da pionier 2007/2008 pudì concluder cun success trais emnas intensivas da curs. Trais emnas cun la finamira da furmar, per part era approfundar las cumpetenças linguisticas en rumantsch grischun. Trais emnas da reflexiun davart l'educaziun plurilingua e l'instrucziun da lingua cun novs impuls davart ina didactica generala da lingua en moda interactiva e communicativa.

Questa didactica è vegnida sviluppada ed appligada l'emprima giada durant la furmaziun d'ina gruppa da cader la stad 2006 a la Scola auta da pedagogia dal grischun (SAPGR). La gruppa da cader ha l'incumbensa d'instruir scolastas e scolasts da la scola primara, da terapia da lingua, d'economia da chasa e lavurs manualas textilas e facultativ catechetas, catechets e mussadras da la scolina. La furmaziun dal cader ed era da la magistraglia è vegnida accumpannada, sustegnida ed examinada dad expertas ed experts linguistics e didactics.

Il fundament e fil cotschen durant las traís emnas da furmaziun dals pioniers era la versiun da pilot d'in med d'instrucziun per l'introducziun dal rumantsch grischun en scola, elavurà da Miriam Derungs-Schorta ed Angela Schmed. In med per persunas d'instrucziun da la scola primara cun l'idea fundamentala d'emprender rumantsch grischun ed ultra da quai da survegnir in'invista en il material existent.

La furmaziun da la magistraglia da las vischnancas da pionier ha già lieu en las traís regiuns da patria dals pioniers 2007/2008: il Grischun central, la Surselva e la Val Müstair. Mintgamai durant in'emna ha ina gruppa regiunala pudì esser ospitanta tge che ha possibilità in ambient spezial e persunal ed ha favorisà in barat amicabel tranter ils participants e las participantas. Discussiuns e cumparegliazius durant la furmaziun han imprimì situaziuns d'emprender la lingua scritta ed han era sveglià l'interess vid ils auters idioms.

La magistraglia da las vischnancas da pionier ha augmentà lur cumpetenças en rumantsch grischun, elavurà nov material didactic ed ha chattà ina pluna novs e no-



ils pioniers dal project RG

vas collegas per pudair profitar da las sinergias cuminaivlas da la lingua da standard. Per favorisar ina introducziun dal rumantsch grischun en scola cun success porscha il project in support linguistic e didactic durant l'onn da scola 2007/08 ed organisescha in'emna d'approfundaziun l'avust 2008.

Ils pioniers 2007/2008 èn preparads e motivads per l'introducziun dal rumantsch grischun en las emprimas classas da la scola primara.

Uffizi per la scola populara ed il sport /
Scola auta da pedagogia dal Grischun

Las 23 vischnancas da pioniera partir dal 2007/2008:

Grischun central

Lantsch
Brinzauls
Casti
Alvaschein
Mon
Stierva
Salouf
Cunter
Riom-Parsonz
Savognin
Tinizong-Rona
Mulegns
Sur
Marmorera

Surselva

Falera
Laax
Trin

Val Müstair

Müstair
Sta. Maria
Valchava
Fuldera
Tschierv
Lü